

四庫全書

經部

欽定四庫全書

經部

周易傳註卷二

詳校官國子監司業_臣納麟寶

通政使司副使_臣莫瞻菜覆勘

總校官編修_臣王燕緒

校對官助教_臣卜維吉

謄錄監生_臣周先緒

欽定四庫全書

周易傳註卷二

通州學正李埭撰

上經



乾下
坤上

泰小往大來吉亨

象曰泰小往大來吉亨則是天地交而萬物通也上下
交而其志同也內陽而外陰內健而外順內君子而外

小人君子道長小人道消也

小者坤陰也大者乾陽也乾坤往來而否泰成焉泰則小往居外大來居內者也夫天上地下定位也然而其氣相交必天道下濟地道上行然後爲泰今則天地交而其中之萬物通矣上下交而其志同矣體則內陽而外陰德則內健而外順人事則內君子而外小人其斯爲君子道長小人道消之時乎不吉而且亨乎 此之往來通乾坤三畫言也下卦爲內故

曰來上卦爲外故曰往又上卦曰進曰上行下卦曰
下曰復 項安世曰象一以重卦相交爲義于陰陽
无抑揚也二以卦體内外爲義于陰陽有抑揚矣三
以六爻消長爲義則更喜陽而惡陰矣大抵諸卦皆
具數義不可以一說盡如小畜柔得位而上下應統
論六爻五陽一陰也健而巽又以兩卦言剛中而志
行又以九二九五兩爻言

象曰天地交泰后以財成天地之道輔相天地之宜以

左右民

裁成輔相以左右民此聖人之贊天地而成泰也然則天地本相交也而又有交天地者故人參天地曰三才財通裁財成使其道无過不及也輔相助之也初九拔茅茹以其彙征吉象曰拔茅征吉志在外也

爻變巽爲茅虞翻訓茹曰根初在下根之象彙類也三陽同體而進是拔茅而其根牽連引起其類矣吉何疑焉仲氏易曰初陽征而交陰則志在外陽志在

外陰志在內一曰中心願一曰中以行願所謂志同也

九二包荒用馮河不遐遺朋亡得尚于中行象曰包荒得尚于中行以光大也

九二爲卦主合三陽而得中則儼一天矣夫三陰地也地曰荒猶四方之稱四荒也而二能以廣大之量包之二居互兌之初河也乃乾健之德足以馮之

馮河

徒步過河然且遠邇一體中外大公三陰雖遐而不遺志

在并包三陽並征而非比朋黨盡去而與六五正應

得尚于中行矣

逸義曰尚如尚公主之尚故六五曰歸妹

蓋天道之高明

廣大固如此也

九三无平不陂无往不復艱貞无咎勿恤其孚于食有福象曰无往不復天地際也

以三陽之終交三陰之始此正往來消息之會所謂

天地際也際則承平而泰者无有平而不陂也

孔安國曰

澤障曰陂

陰往而消者无有往而不復也泰之不終泰數

也而君子于此則一以人事持之乾乾然勞心危行

謹守正度可无咎矣然而艱危保泰或多過憂也

恤憂也

曰此陰之翩翩以來爲吾孚者終非吾族也則又以

嫌疑而生事端即此憂泰者致不泰矣尚得日用飲

食從容有福乎

兌口爲食

又必勿之

六四翩翩不富以其隣不戒以孚象曰翩翩不富皆失實也不戒以孚中心願也

翩翩飛貌言六四率三陰羣飛而下交也陽實陰虛

三陰皆失實則不富矣故其翩翩也欲以乾隣

上下卦隣

也之實濟坤陰之虛是其心願交于陽不待兌口之

戒而以孚焉

坎位為孚

君子道長小人道消之時小人自

然仰命君子具象如此小畜九五富而用其隣也此
不富而用其隣也

六五帝乙歸妹以祉元吉象曰以祉元吉中以行願也
二五俱得中而相應則婚姻矣乃二四同功為兌三
五同功為震歸妹卦也則有帝乙歸妹之象焉是居

中而行其所願陰交陽之最正者其得祿也不大吉
耶陽貨曰祉祿也朱晦庵曰妹少女也

上六城復于隍勿用師自邑告命貞吝象曰城復于隍
其命亂也

泰極則否象生焉城築土也在坤爲土上隍城下溝去

土者也虞翻曰无水稱今坤當外盡而坎位上形坎

隍則向取隍之土以爲之城茲復傾城之土以填之

隍此正平之陂而往之復也當此之時惟有振奮自

強修我甲兵如諸葛亮出師所謂今不伐賊王業亦
亾者可以復興可以後敗乃上六才柔氣盡自禁止
曰兵凶戰危斷斷勿用而僅僅與其邑人以文告相
固結不知上不能振民將誰從故象言命雖正亦羞
吝難行而孔子直斷曰是亂命耳城復于隍正以是
也



坤下
乾上

否之匪人不利君子貞大往小來

彖曰否之匪人不利君子貞大往小來則是天地不交而萬物不通也上下不交而天下无邦也內陰而外陽內柔而外剛內小人而外君子小人道長君子道消也否時之匪人尚利君子貞乎滔滔者天下皆是故曰无邦內柔而外剛所謂色厲而內荏也

象曰天地不交否君子以儉德辟難不可榮以祿

月令曰天氣上騰地氣下降天地不通否象也儉約也有財而不輕用爲儉君子之貶藏其德似之不可

榮以祿者却祿之哲在我也玩辭曰辟難不與害交也不可榮以祿不與利交也世固有假辟禍之名以保榮利者故聖人兼言之然否時而祿難即隨矣

初六拔茅茹以其彙貞吉亨象曰拔茅貞吉志在君也爻變震爲蕃亦有茅茹之象初雖陰類而安于爲下以與上應則拔茅茹以其彙雖與泰初同而不征也但守正耳正者何志不在彙而在君吉亨之道也乾爲君

六二包承小人吉大人否亨象曰大人否亨不亂羣也
六二之陰小人也而得中得正其所包藏者乃欲承
順乎五也五居乾中爲大人小人承之不其吉乎然
大人與大人爲羣肯以其承而亂哉不亂故否亦惟
不亂故亨也 遯九爻辭正與此反

六三包羞象曰包羞位不當也

此小人之最无賴者不中不正其所爲者皆可羞者
也而胥包之

九四有命无咎疇離祉象曰有命无咎志行也

此復泰之始也乾剛在上雖與下不交而九五有命

巽爲命九四承以濟否則大人有羣其志得行微特一

身无咎三陽之儔且共麗此祉矣

九五休否大人吉其亡其亡繫于苞桑象曰大人之吉位正當也

否從此休矣休未至于傾而稍息焉故曰前者大人否今大人吉矣然而安危之機間不容髮雖否運初

轉泰期將開而國家存亡政未可定也故嘗念曰其

亡乎其亡乎繫于苞桑乎

仲氏易按苞叢生木枝細不能繫物故陸贄奏議有

云邦國之杌隤縣縣連連若苞桑綴旒幸而不殊者屢矣

蓋九五有中正之德而

當尊位故如此其不忘危亡也是能休否者也紫巖

易傳曰巽桑木爲苞桑繩直爲繫

上九傾否先否後喜象曰否終則傾何可長也

天下豈可長否哉否極則傾傾者倒也如鼎之顛趾
出否也否倒則成泰矣上九傾否時矣故先否後喜

變兌爲
悅喜象

彖言匪人不利君子文則惟六三可羞初
二象則應上四五上象則幹否不同若此者蓋彖戒
君子使避小人象則教小人使近君子又勉君子使
挽小人皆聖人之情也皆是也



離下
乾上

同人于野亨利涉大川利君子貞

彖曰同人柔得位得中而應乎乾曰同人同人曰同人
于野亨利涉大川乾行也文明以健中正而應君子正

也惟君子爲能通天下之志

離之二爻坤也得正位得中道而應乾五則內而文明外而剛健中正以相應合所謂二人同心其利斷金同心之言其臭如蘭是君子同之正者也故曰同人且同人曰同人于野亨利涉大川豈二陰之所克哉惟五乾中直之德行故能如此夫偏邪相同即其甘如醴與天下之志无與也中正相同則一二人之志即天下人之志矣此同人也不且有以通天下之

志乎二地道野象正義曰野者廣遠之處言同人之
无私也上卦坎位川象乾行利涉之象

象曰天與火同人君子以類族辨物

王註曰天體在上而火炎上同人之象也蘇軾曰同
人以不同爲同

初九同人于門无咎象曰出門同人又誰咎也

初九變則下卦爲艮艮爲門而比六二是出門即與
二相同矣以陽承陰卑以自牧又誰咎是同人之近

而易者

六二同人于宗吝象曰同人于宗吝道也

宗主也

胡瑗曰義

五居君主之位六二應而同之是同人

于宗矣然衆皆欲同二而二乃獨與五應則衆思敗之故九三之伏莽九四之乘墉羣梗于中其道不吝乎吝者出入艱難也此所以必須乾行之師也

九三伏戎于莽升其高陵三歲不興象曰伏戎于莽敵剛也三歲不興安行也

九三妒二五之相同也以離之戎兵竊效坎伏

坎離伏

而在巽之莽間

巽爲木

且以巽股升變艮之高陵

二變四

互艮艮之上
盡爲高陵

將與九五爲敵然而烏能敵哉雖歷久

數之盡以至三歲亦不能興則惟巽順以安行耳

九四乘其墉弗克攻吉象曰乘其墉義弗克也具吉則

困而反則也

九四與九三同道亦妒二五之相同也見九三敵五

遂乘九三之墉

來註離中虛
外圍墉象

欲與共事然身居五下

而仰攻之不惟勢弗克義亦豈克哉若不能攻而困變爲坎之法則反于則斯合于義吉也

九五同人先號咷而後笑大師克相遇象曰同人之先以中直也大師相遇言相克也

仲氏易曰五之所同二也而二以一陰乘承與比皆陽焉能遽遇哉夫先反側而後友樂關雎之義也同

人亦然有升陵者乘墉者是必用乾行之甲

虞氏易
乾爲甲

借離應之兵而出剛金以克之始遇耳故象曰相遇

言相克也則師克之後不惟二過三四亦過矣是同
人而通天下之志也按五應離火火无定體易例凡
遇離則皆有笑咷之象如離不鼓缶而歌則大耋之
嗟中孚爲大離或鼓或罷或泣或歌旅上卦離先笑
後號咷類故舊說號咷笑皆離火之聲非无謂也虞
翻曰同人旁通師卦故稱師陽大故曰大師陽動而
直故曰中直 彖曰同人于野乾行也言其廣遠而
无私也而文乃用大師者蓋非賢奸並包之爲无私

而能好能惡之爲无私也

上九同人于郊无悔象曰同人于郊志未得也

此出世之人攜手同行以爲朋者如長沮桀溺之流
于國內之哂笑師戎不問也遠處郊外侶烟友霞尚
何過悔而孔子原之曰彼視滔滔天下豈遂无志者
但未得耳 同人之道或近或遠或易或難或中正
或不中正且因而妒忌因而戈矛者皆有之善交者
必類其族辨其物中正以應勿間伏戎乃可以通天

下之志友道如斯之不易也作易者具有憂患乎



乾下
離上

大有元亨

彖曰大有柔得尊位大中而上下應之曰大有其德剛健而文明應乎天而時行是以元亨

卦六五一柔得尊位大中而上九下而初二三四胥應之是陽之大皆爲所有矣故曰大有于以觀其德內既剛健外復文明上應乎天而尚賢以時行

于下其大通也庸更加一辭哉

象曰火在天上大有君子以遏惡揚善順天休命

火在天上輝煌四照大有之象遏惡揚善順天休命
大有之事

初九无交害匪咎艱則无咎象曰大有初九无交害也
初九居下而大有上離爲戈兵容有害之者然陽剛
不肯上比而上又无其應則无交于害矣是安于爲
下者也故匪咎雖然可不艱哉苟自艱難其志则无

咎不然易心一生咎可免耶

九二大車以載有攸往无咎象曰大車以載積中不敗也

豐年多黍多稌曰大有今居下乾之中當互乾之始

剛德積實誠大有矣爻變大坎

二至五為大坎

為大車而離

牛載而前之行健以往應于五多多益善敗于何有

二五相應之卦
多于初四三上

九三公用亨

亨左傳作
亨古通用

于天子小人弗克象曰公用亨

于天子小人害也

六爻初當爲民二當爲士爲臣三當爲貴臣

宋衷曰三公位

四當爲近臣五當爲君上當爲倦勤之君明農之臣
與高尚之賢則九三有公象焉以陽居陽上承六五
出大有之積食之以互兌之口是用亨獻之禮于天
子也但變兌爲容悅爲小或流于小人者有之小人
則祇以貽害而已豈能使天子受其亨哉害即初九
无交害之害蓋富貴利達害即寓焉

九四匪其彭无咎象曰匪其彭无咎明辨晷也

韻會因彭

音旁

多也四則下陽之多至此而極一陰能

有衆陽而又恐以衆陽逼一陰也九四以陽處陰且

能知懼則雖彭而不以爲彭焉此則近而不偏滿而

不溢非得離火之明辨而能晷何以有此

仲氏易

六五厥孚交如威如吉象曰厥孚交如信以發志也威

如之吉易而无備也

柔之能有剛夫豈徒哉柔順得中出其離照之孚以

親下剛若與之相交者然將天下向往之志自我發
之矣光武之待馬援笑語簡易而真天子之威已行
隴蜀故曰朕于天下亦欲以柔道治之六陰虛故易
而无備五剛位且變而之乾左氏所謂同復于父敬
如君所乾爲君
爲父者也故威如

上九自天祐之吉无不利象曰大有上吉自天祐也
祐助也繫辭釋此文曰助信助順助尚賢蓋六五之
孚信也易而无備順也交下之剛尚賢也上九一剛

在卦之上則天也天之祐之也必矣蓋乾爲大卽賢也尚賢卽有大故自天祐之統觀全卦五陽之大皆陰有也分觀各爻則每爻有一大有象焉初宜以艱而遠害二當積載而應五三戒私小四勿滿覆五簡易而尚賢乃獲天祐序卦曰有大者不可以盈此之謂也



艮下
坤上

謙亨君子有終

仲氏易曰山形一何高而居乎地中謙也謙則必亨
是以君子有終也君子三剛也三終象也艮者萬物
成終之卦也是以君子之剛處內卦之終而又當成
終之盡則有終矣

象曰謙亨天道下濟而光明地道卑而上行天道虧盈
而益謙地道變盈而流謙鬼神害盈而福謙人道惡盈
而好謙謙尊而光卑而不可踰君子之終也

謙之亨何也九三天道也

九乾
天也

而具氣下濟居于

內卦著其光明坤地道也坤道本卑然進而居于外
卦其氣上行曰下濟曰卑謙也曰光明曰上行則亨
矣而况天道盈則必消虛則必長是虧盈而益謙也
地道築而高則風雨剝之坎而下則流水注之是變
盈而流謙也高明之家鬼瞰其室汝唯不伐明神依
之是天地中之鬼神虞翻以三爲神四爲鬼害盈而福謙也人
卽不爭亦惡驕亢人卽好高亦喜謙謹是人道惡盈
而好謙也美哉謙乎退然若不勝衣而德愈尊闇然

不敢自著而體益光卑以自牧而萬民服之莫可踰者此君子之所以有終也 紫巖易傳曰九三以陽處艮上爲尊爲光在坤下爲卑艮山爲不可踰

象曰地中有山謙君子以裒多益寡稱物平施

裒聚也又減也卦體本坤而得乾一爻爲謙是損乾

之盈

虞氏易乾爲盈

益坤之寡

雜卦小畜寡也指坤文言

裒多益寡之象

即虧盈益謙之象也君子效之所以稱物平施也

初六謙謙君子用涉大川吉象曰謙謙君子卑以自牧

也

山在地中謙也初爲山之足又謙也

仲氏易

謙之又謙

卑以自養非君子乎即用涉坎水之川而尚憂風波
乎吉矣張湛虛曰雖有大險遇謙則平 利涉者宜
乎涉也用涉者用之涉也

六二鳴謙貞吉象曰鳴謙貞吉中心得也

六二居中得正上承九三中心相得

坎爲心象

非有矯強

不覺鳴號其謙以示之矣不貞而吉乎淺義曰艮取

聲音象山鳴谷應之義也震爲善鳴是以小過震艮合有飛鳥遺音之象謙似小過故上下皆有鳴象承九三有陰陽相得象

九三勞謙君子有終吉象曰勞謙君子萬民服也

九三以一陽居互坎之中坎爲勞卦勞民勸相而功成不居萬民悅服謙斯至矣彖所謂君子有終者以此此卦主也陰爲民

六四无不利撝謙象曰无不利撝謙不違則也

攜手指麾也六四之謙柔而得正不待問而知无不

利矣艮爲手四下比之則指攜皆謙

見王註淺義曰謙德見諸威儀

舉動也

又安有違坎之法則者耶

六五不富以其隣利用侵伐无不利象曰利用侵伐征不服也

六五雖尊而陰虛不富然與三之君子同體互而居

是隣也用隣之實益我之虛

所謂裒多益寡也

則不富猶富

也如有睨其不富而攔然不服者則偕九三之震動

出離兵

爻變
為離

以侵伐之虛心用人以征不服不惟利

且无不利是居尊之謙也若宋人稱臣稱姪豈謙也

哉

上六鳴謙利用行師征邑國象曰鳴謙志未得也可用

行師征邑國也

上六與九三其志本當相應

坎為志

但謙主善下而上

六以柔而居上則與九三有不能急相得者人心得意則鳴不得意亦鳴故上鳴號其謙以相示焉然謙

德雖未大乎于人而自鳴其謙則驕兵之敗可免矣

坤爲邑爲國若有迷亂

坤又爲迷爲亂

則用地水之師以征

之

卦上坤互坎有師象

尚利耳



坤下震上

豫利建侯行師

豫樂也國語司空季子曰坤母也震長男也母老子

彊故曰豫其繇曰利建侯行師居樂出威之謂也蓋

以居樂坤內故利建坤國之侯出威震外故利行長

子之師

彖曰豫剛應而志行順以動豫豫順以動故天地如之而況建侯行師乎天地以順動故日月不過而四時不忒聖人以順動則刑罰清而民服豫之時義大矣哉

九四一剛而上下五陰應之

侯果說

其志以行无枉无

件用順以動不其豫乎夫豫之順以動也雖天之行

健地之勢坤不過如此

剛柔天地也

而況建侯行師有何

勿利不觀天地之日月一无愆過四時一无差忒乎

是天地之順以動也不觀聖人之刑罰清而衆民順服于下乎是聖人之順以動也然則豫之時義豈不大矣哉 易言時義大者五卦豫隨姤遯旅言其時之義甚大而宜玩也言時用大者三卦睽蹇坎言其時之用所關甚大也言時大者四卦解革頤大過則言其時所關之大也皆言時者六十四卦時而已矣象曰雷出地奮豫先王以作樂崇德殷薦之上帝以配祖考

雷出地奮發而旬豫樂之象作殷盛之樂昭崇功德以薦于神豫樂之事配上帝以祖者冬至郊祀也配以考者季秋明堂祀也

初六鳴豫凶象曰初六鳴豫志窮凶也

初六之豫豈不鄙哉身居卑賤遇九四尊富

居上卦陽實則

富稍一借手便沾沾得志在九四本震尚不自鳴而

遙借震勢者反鼓舞歌呼色飛聲王嗚呼負販之子偶附人興遂若登天已樂極而窮矣欲不凶得乎

六二介于石不終日貞吉象曰不終日貞吉以中正也
介說文云分疆也故物兩間爲介守兩間之介而不
移亦爲介二居中而得坤之正位乃介守艮山之初
是介于石也艮爲石且下卦離位純陰則見離爲日而
二當中離象未竟仲氏易是與衆同處豫地而見幾而
作不俟終日者也豫不肯終其日乃豫矣故貞吉
六三盱豫悔遲有悔象曰盱豫有悔位不當也

盱張目也六三位不中正而張位離之目上視九四

之豫

仲氏

而動心焉妄矣其速悔之若悔遲則徒有

悔而已希望不已必喪身名豈有及哉

九四由豫大有得勿疑朋盍簪象曰由豫大有得志大行也

九四一陽爲衆陰之師是衆人之豫皆由乎四也四之志不大行而有得乎雖互坎爲疑而互艮止之曰勿疑也夫西南得朋五陰皆朋也而合而括乎此矣盍合也簪筓也以一陽括衆陰而貫乎其中殆如簪

之括髮然矣 漢上易傳曰互體之變有六如豫之九四四以上震四以下艮合上下坎震有伏巽艮有伏兌坎有伏離六體也變化之則无窮矣此不必盡用解經而亦不可不知者

六五貞疾恒不死象曰六五貞疾乘剛也恒不死中未亡也

六五居尊位似主豫者然以柔而乘九四之剛脆脆不安則正有疾但位居于五中道未亡而震爲反生

善病而恒不死夫病以死爲憂今不死矣則雖疾乎
亦何弗豫乎周平以後之君似之

上六冥豫成有渝无咎象曰冥豫在上何可長也

來註冥幽也暗也上六以陰柔居豫之極昏冥于豫
者也夫豫樂雖成曷可長哉苟以動體而變爲離則
冥冥者將昭昭矣是樂極而有渝變矣咎尚可免也
一豫也而分觀之則一狐駕虎威而豫一介止而
豫一覬覦而豫一溥樂于人而豫一得不死而豫一

沉溺而豫聖人之寫象盡態極妍乃爾 國語母老子強曰豫按此卦以一母而有三男小畜以一父而有三女革鼎三女而父在中蒙屯三男而母在中渙三男而上有長女噬嗑三男而上有中女節三男而下有少女豐三女而上有長男井三女而上有中男旅三女而下有少男三男之卦各聚三男三女之卦各聚三女亦觀象之一端也



震下
兌上

隨元亨利貞无咎

彖曰隨剛來而下柔動而說隨大亨貞无咎而天下隨時隨時之義大矣哉

隨與比同人不同比親附也同人志相同也隨則不必甚親不必皆志相同而以時相隨者也乾剛爻來居初而下于坤之二柔卦震動而喜悅皆隨之象也必其德能乘時大通以正如九五之正中孚嘉則隨无咎過而天下皆隨其時矣天下隨時可以建功可

以布業其義豈不大哉 按本義疏卦變隨卦本困
二來居初又本噬嗑上來居五又本未濟二來居初
上來居五仲氏易疏推易本否初上相易又本咸初
三相易又本益四上相易夫乾坤之道三人行則損
一人一人行則得其友言致一也今雜然相交相易
豈一時諸卦皆來耶抑此時此一卦來移時彼一卦
來耶

象曰澤中有雷隨君子以嚮晦入宴息

雷藏澤中隨時休息

崔憬曰雷陽氣亦謂龍也故震為雷為龍兌正秋也雷至秋而

收聲

君子以之亦隨時之一義也

初九官有渝貞吉出門交有功象曰官有渝從正吉也出門交有功不失也

初九正所謂剛來而下柔也震為長男官也註來而不

恃其剛而下柔渝也陰陽相從正而吉矣是以出艮

之門

互艮為門闕

而即交與四同功之二故四亦曰明功不失其

歡也不失即交也交少隨之為道惟視其人之有

功耳母論其人攜我而進隨之即其入置我而前亦隨之故曰不失

六二係小子失丈夫象曰係小子弗兼與也

六二則有所失矣一意隨之六三陰爲小艮爲小子

初九陽爲丈夫六二以手拘係乎三

艮爲手

之小子自

失初九之丈夫矣蓋惟一是從无兩岐而趨者一身

不得兼與隨之道也

六三係丈夫失小子隨有求得利居貞象曰係丈夫志

舍下也

六三亦有所失矣志在隨上自舍其下以巽繩係九
四之丈夫而係我之六二雖與我同爲小子而失之
焉此其隨也巽爲近利市三倍有求而得固非意外
但因而爲佞則非矣惟利居貞耳

九四隨有獲貞凶有孚在道以明何咎象曰隨有獲其
義凶也有孚在道明功也

九四親承九五隨之得正者也

貞即正也

初交二三係三

而三係四則四不惟獲三並獲初二矣

求求上也然獲獲下也

高明人指豐盛難居雖貞而義不亦凶乎若能溢大

坎之孚信

二至上為大坎

與二同功

繫辭曰二四同功

遂通于震塗

則在道路之人皆明其功乃獲下以隨五非私獲而竊據也凶可免矣何咎

九五孚于嘉吉象曰孚于嘉吉位正中也

嘉善也九四以親近而隨因孚其善矣即初之交二二之係三三之係四皆欲隨乎五也疎遠有善亦勿

疑貳蓋位居正中惟善是信所謂大亨利貞而天下隨時也

上六拘係之乃從維之王用亨亨通于西山象曰拘係之上窮也

隨至上六如紂于文王拘而係之美里之因是也文王乃內

文明而外柔順不敢違其意以從維之下互爲巽而體復倒巽有

巽繩維係象而用亨祀于西山以求神祐此豈尋常之隨

從哉故曰上六之拘係窮極時也隨之象又有如此

者王以爻言即指九五兌西方卦下連艮山故爲西山即岐山也文王以岐山爲太王興周之地不得于紂必嘗亨之與帝乙有歸妹事易兩用之正同初交二而二失之二係三而三失之三係四有得而戒以貞四隨五有獲而憂其凶五隨上而上窮隨之險阻如此然凡卦皆有險阻

乾有亢謙有不
服他卦可知

乾坤知之

聖人亦知之佛老知而去之聖人知而處之平之異

端吾儒之分也



巽下
艮上

蠱元亨利涉大川先甲三日後甲三日

彖曰蠱剛上而柔下巽而止蠱蠱元亨而天下治也利涉大川往有事也先甲三日後甲三日終則有始天行也

蠱壞也器不用則壞

春秋傳曰
皿蟲爲蠱

人不事事亦壞

盧氏曰
蠱

不事
事也夫剛居上爲艮則亢而情不下通柔居下爲巽

則卑而情難上達且下巽而諂上止而情宜其壞也

然而不事則蠱而蠱必有事

序卦曰蠱者事也

從此事其所

不事不元亨而天下治乎故大坎爲川

自一至五爲大坎

宜

往而事其事以涉之焉且以卦觀之三與五同功爲

震震東方之卦也甲也

馬融說

甲十幹之始即造事之

始乃以爻計之一爻爲一日三陽爲震主爻數至初

先甲三日初接上九之蠱而幹之是有始也數至五

後甲三日五正值上九之蠱是終也天行終則有始

往而有事不亦宜乎

象曰山下有風蠱君子以振民育德

物久敗朽而蟲蛀曰蠱蟲生于風故風中蟲也山下有風正春秋醫和所言女惑男風落山謂之蠱者君子鑒風以振民不使人蠱也鑒山以育德

正義

不使已

蠱也

初六幹父之蠱有子考无咎厲終吉象曰幹父之蠱意承考也

陽爲父爲考

見易雅

上九一陽高據于上而艮止无爲

有父亡而考之象焉

檀弓考則下之

五爻皆其子矣

此而有遺事則非他之蠱父之蠱也

蠱非一朝夕之積也故原之于

父 父蠱子可以不幹耶初六以柔處剛而性善入不

承其迹而承以意

所謂從治不從亂也

改父之道雖事不順若

厲者而意實甚順也

鄭康成說

是幸哉其有子矣在父則

有蠱而在考則无咎矣終吉何疑

或謂酒誥父存亦稱考不必卒也不

知父在子不得自專故論語曰觀其志父没乃觀其行子而幹蠱知父卒矣至幹母蠱而曰不可貞知母

矣存

九二幹母之蠱不可貞象曰幹母之蠱得中道也

言父則必有母父蠱母亦蠱所謂蠱矣特是婦人之性難可直挽此而曰吾必以正行之則非中道矣委曲幹旋以幹其蠱惟九二得之

九三幹父之蠱小有悔无大咎象曰幹父之蠱終无咎也

九三以剛居剛而爲震始能幹父之蠱者也特恐剛動少過以致小有貽悔然能幹蠱安有大咎耶

六四裕父之蠱往見吝象曰裕父之蠱往未得也

裕者沓沓也六四以陰處陰當兌折之終爲艮止之始見有蠱而沓沓然未得幹術以此而往必見羞吝矣六五幹父之蠱用譽象曰幹父用譽承以德也

六五得尊位行大中具幹蠱也所謂貽父以令名者也則以譽承之實以德承之矣艮爲言有譽象初六六五皆以剛行柔故爲幹父蠱九二以柔行剛故幹母蠱九三以剛行剛故幹父蠱而有悔六四以柔

行柔故裕父蠱而見吝

上九不事王侯高尚其事象曰不事王侯志可則也

上九則正所謂蠱矣然而身在蠱上已居卦外雖下

五爻有幹蠱之王之侯

五爲王三
四爲公侯

皆不事之而南山

北海高尚其事任世之蠱壞而莫幹者也然其不降

之志亦可以廉頑立懦此又處蠱極者之一象也



兌下
坤上

臨元亨利貞至于八月有凶

象曰臨剛浸而長說而順剛中而應大亨以正天之道也至于八月有凶消不久也

一陽來復爲復三陽交陰爲泰臨二陽上進已過于復則陰退順可以相感未至于泰則陰尚盛未即相

交其于陰也有臨之象焉

至其地而將爲曰臨事如臨官臨朝之類故雜

卦曰臨觀之義或與或求言陽與陰也二陽漸浸而長以臨乎陰內說而外順二剛得中而五柔相應大亨以正非行健之天道乎雖然有長則必有消

試取臨一反觀之則觀卦也就卦畫取象臨卦象夏

正十二月爲二陽之月以至正月三陽二月四陽三

月五陽四月六陽五月一陰六月二陰七月三陰八月

四陰

十二月象十
二卦漢儒說

正合觀卦

自十二月至八月
計數亦八歷月

已陰

長而陽消矣凶矣而爲時豈久也哉聖人于陽長而
即畏其消如此乾坤交而生六子六子合而生萬物
自然之理明載聖經朱漢上易傳六十四卦相生圖
謂乾坤一交而爲姤復再交而爲遯臨三交而爲否

泰以變諸卦是古聖之作六十四卦也先有乾坤二
六畫卦乃以乾坤交而爲姤復六卦再以姤復六卦
變而爲師比等五十六卦則是乾坤生姤復六卦非
乾坤生震巽六子五十六卦爲姤復六卦所變非六
十四卦爲乾坤六子所重也盡背聖言矣而可乎
即以再交臨卦觀之謂臨六畫有震象則可謂臨是
重坤卦兩陽來交則不可蓋陰陽致一兩陽不可以
交陰兩陰不可以交陽也

象曰澤上有地臨君子以教思无穷容保民无疆

地臨澤上臨之象也君子用兌之口以教思无穷法

坤之厚以容保民无疆臨之道也

地臨澤上大象別取之象也或據此

解爻辭謂上卦亦臨下則陽臨陰陰又臨陽雜而亂矣

初九咸臨貞吉象曰咸臨貞吉志行正也

初九陽居陽位則其臨陰也感而使應志之所行正矣吉矣咸象曰感也

九二咸臨吉无不利象曰咸臨吉无不利未順命也

九二有剛中之德而與四陰隣其感臨也更切于初矣是何者以四陰在上未即合而順命故初感之此更感之初之感僅行其志而此之感必獲其利矣未順命者終可順命之辭

六三甘臨无攸利旣憂之无咎象曰甘臨位不當也旣憂之咎不長也

六三卽陰也何能臨陰然以與二陽同體遂欲出其兌悅甘言甘貌以臨上陰豈有利焉是必變而爲乾

如九三之惕若是能憂之矣則與二陽同德而无咎

矣

六三兌陰正八月之凶也故必變而憂之乃无咎

六四至臨无咎象曰至臨无咎位當也

六四在外卦爲陰初而與下之初九相應則陽感以臨之而陰卽至于所臨是安于柔位從陽者也无咎也

六五知臨大君之宜吉象曰大君之宜行中之謂也

六五居坤中地道光明九二感以臨之而六五卽知

之是知其咸臨也此道也大君以之賢才感于下而君卽知于上取善而用中誰曰不宜五君位故言大君

上六敦臨吉无咎象曰敦臨之吉志在内也

敦厚也而有重遲之意焉

玩辭

衛風頓丘卽敦丘賈誼

賦莫邪爲頓漢書芒刃不頓頓卽通鈍故敦者遲鈍也上六與初二皆不相應臨至此亦敦矣然而吉无咎也陽旣浸長陰終順從上六之志在于下之二陽

而无他矣故再進則泰三陰翩翩來矣 玩辭曰臨
上卦四最在先與下卦至相逼故爲至臨上最在後
與下卦隔四陰故爲敦臨



坤下
巽上

觀盥而不薦有孚顒若

仲氏易曰古无四聲平上去同用故漢
易元音註後人分觀爲平去二音非也

彖曰大觀在上順而巽中正以觀天下觀盥而不薦有
孚顒若下觀而化也觀天之神道而四時不忒聖人以
神道設教而天下服矣

仲氏易曰觀爲大艮而三五同功又爲互艮艮者門
闕之象故曰觀春秋傳所稱兩觀是也第朝有觀廟
亦有觀皆門旁雙闕而是卦下坤上巽以地上之木
而巋然高峙謂之鬼門

鄭康成曰艮爲鬼冥門

鬼門者宗廟也

然觀有兩義以門闕爲樓觀之事則以上觀下

三輔黃圖

云登之可以遠觀

而往往懸法以示垂象則又爲天下人所

觀

孫炎曰宮門雙闕懸法象使人觀之謂之魏象

故在朝在廟皆有觀象而

此取宗廟則上之與下皆將于是乎觀禮卽以裸薦

大禮觀之

盥裸灌通字謂酌鬯降神也有籍曰薦時祭則春薦韭秋薦黍穀梁傳註无牲而祭

曰薦薦而加牲曰祭大祭則薦牲薦酒薦幣薦璧皆謂之薦

以艮手牽異茅裸鬯

薦藉兩皆有象毋論灌薦相仍不可缺一而卽當裸

初斯時尚不薦也而相信之至卽已秩然其可觀如

所謂上顙顙

爾雅顙顙君德也

下顙顙者

廣韻顙顙仰也

况旣薦乎

蓋聖人觀天以設教彼四時不忒天之神道運之也

而鬼神之道可以知矣故聖人制郊禮以祀天神而

民知敬天制社禮以祀地祇而民知報地制禘嘗之

禮以祀祖宗而民知本本水源以衛君父所謂下觀而化也是順而異中正以觀示天下者也許酉山曰自宋儒以理訓天謂心中自有天則貫天人之學絕泛指造化之迹爲鬼神則格幽明之學絕其所關豈淺鮮哉

象曰風行地上觀先王以省方觀民設教

來註觀民者觀民俗也如陳詩以觀民風納價以觀好惡而示之教也風行地上有歷覽周遍之象

初六童觀小人无咎君子吝象曰初六童觀小人道也

艮爲少男初則尤穉矣是童也

仲氏易

童之觀所見幾

何苟名爲大人君子者而若此不其吝乎

六二闚觀利女貞象曰闚觀女貞亦可醜也

大艮而包互艮象似重門且坤爲闔戶此重門又闔

者也乃陰位陰爻有女之象六二以女子之目加之

闔門之郊非闚觀乎

仲氏易

此惟利女子之貞耳彼何

人斯竟同婦女可醜矣

六二

可應九五而乃醜者以下觀上不利於遠故初觀甚

金匱要略卷二
二
渺二觀尚隔三觀漸近四乃觀光易道隨時不爲典要非應比得位諸義所可盡也

六三觀我生進退象曰觀我生進退未失道也

六三居人位而應上九與賓王者相比是抱道之人

也處下體之極則可進居下體之下又可退疏故自

觀其身之進退

生漢人訓性正義訓我身所動出

以酌道而行之安

有失耶

六四觀國之光利用賓于王象曰觀國之光尚賓也

六四在人位而親承九五互艮爲山變乾爲天有山

之材照之以天光于是乎居坤國之上故曰觀國之

光利用賓于王

左傳

是九五之所尚也九五王也謂之

賓者古者朝覲之臣則賓禮之賢能之士則賓興之
九五觀我生君子无咎象曰觀我生觀民也

觀我生者自觀其身也然身何以觀觀民之從違厚
薄而身可知矣此誠大觀在上之君子也无咎決矣
上九觀其生君子无咎象曰觀其生志未平也

下之上觀皆觀五也上亦下觀五之生

具指五言

知其爲

君子无咎也然高自位置不肯爲用故曰志未平如
伯夷之觀文武徐洪客之觀唐太宗皆有不平之志
焉然不平而亦知其君子无咎觀至是極矣一陰始
二陰遯三陰否而四陰卦反無凶辭者四陰之凶已
見于臨卦矣然易道陽少爲君陰多爲民九五當位
上九服之下之四陰自然仰觀而順故曰觀易道固
无窮也



震下
離上

噬嗑亨利用獄

彖曰頤中有物曰噬嗑噬嗑而亨剛柔分動而明雷電合而章柔得中而上行雖不當位利用獄也

噬齧也嗑合也卦上下兩剛中三柔與頤卦象同

周易

輯聞曰中三陰象頤中之齒

而九四一爻間之是頤中有物也必

噬之而嗑則亨矣天下之事決斷梗塞始得和合固類如是何者觀其卦位則剛柔各分不噬何嗑觀其卦德則下動而上明觀其卦象則雷動電照合而成

章可以噬嗑觀其卦本則坤畫之柔得乾中位而上

行居五雖以陰居陽殊不當位而柔以行剛

爻柔位剛出

離日之明以爲震雷之決用獄何弗利焉周易集解

曰獄必斷而後合正噬嗑事也

仲氏易曰賁與此反對而不名噬嗑以此

離開震動上噬下嗑若賁則艮止離開不能合矣

象曰雷電噬嗑先王以明罰勅法

電明罰雷勅法利用獄也

初九履校滅趾无咎象曰履校滅趾不行也

震爲足初亦爲足趾象也

趾足指也

一陽橫互于下如桎

梏則有屨乎校而滅沒其趾之象焉如是則震行者

不得行矣不行則小懲而大誡過惡不作故无咎按

前當艮止亦有不行象周官掌囚下罪桎桎足械也

械亦曰校

初上兩陽似校而束全卦亦噬嗑象

六二噬膚滅鼻无咎象曰噬膚滅鼻乘剛也

二三與五噬物者也然在上下二剛之中亦有物象

骨陽類肉陰類則陰爻皆肉象也六二互艮爲膚

見李

鼎祥集解膚者革也禮所謂膚鼎是也艮又爲鼻而正直

所噬之膚有噬膚没鼻之象焉

噬之深之象也曹操歡笑至以頭没杯案

中即此減字意

蓋下乘初剛而齧柔物

六二以柔居柔膚亦柔物

故爲力

之易如此何咎

六三噬腊肉遇毒小吝无咎象曰遇毒位不當也

艮初爲膚三在膚內爲肉而上有離日熯之則腊肉

也

周禮腊人掌田獸之腊全體而乾之也

五行志曰厚味腊毒則以

柔才而居剛位位不得當所遇多艱逢其毒者固亦

有之然非我所致雖小吝而无咎矣

九四噬乾肺得金矢利艱貞吉象曰利艱貞吉未光也

剛爻象肺肉之帶骨者而離爲乾

乾亦音干

卦則爲乾肺

噬之亦云艱矣且乾之金

離本卦

坎之堅木合爲金矢

而忽得之何其可駭苟以居離之初離火未光艱難

而守貞焉則吉矣此爻正頤中物也故噬之而有警

戒如此王肅云金矢所以獲野獸故食之而得金矢

六五噬乾肉得黃金貞厲无咎象曰貞厲无咎得當也

六五爻柔則非乾腓也而乾肉矣乾肉噬之固非異
事乃得坤五之中爲黃變乾爲金忽而得焉雖噬彼
合此本无偏邪而兼金忽錫亦殊危厲然无咎也以
其柔而居中得噬嗑之當故噬之而有意外之獲焉

彖言不當位謂非正位也此言當謂其當中也

漢韓
嫣以

黃金九彈雀時人語曰若饑寒逐金九是肉中亦有
黃金事然易象本虛設以待天下之无穷不必株求
也

上九何校滅耳凶象曰何校滅耳聰不明也

上九一陽橫亘于上亦象校而坎耳在下則荷校而滅其耳矣耳本主聰而今聽之不明矣屢校无咎何校卽凶者初起可悛終成難挽也

何荷通

噬嗑者斷物

也初九斷之于始以遏其萌六二乘剛而斷乃易爲力六三位不當則斷物而遇毒九四未光則斷物而遇警六五柔得中而上行正有斷物之德位者也而亦貞厲至于上九又嚴之于終以懲其成焉斷物之非漫然也祛欲之學除奸之政尚其力諸



離下
艮上

賁亨小利有攸往

彖曰賁亨柔來而文剛故亨分剛上而文柔故小利有攸往天文也文明以止人文也觀乎天文以察時變觀乎人文以化成天下

賁者飾也鄭康成王肅皆曰黃白色也而以本卦乾坤互易觀之上卦坤之上柔來居下卦乾中爲離文飾剛道嘉美亨通故亨分下卦乾之中一畫上而居

坤之上爲艮以上飾柔道故柔者小也亦利有攸往
物相雜謂之文陰陽交錯此天道自然之文也人法
離之明艮之止文明以止則三千三百不踰其則所
謂節文是也人文也是以君子觀乎天文則時變可
察而敬授人時之法立矣觀乎人文則安上治民莫
過于禮而化成天下矣貴之所關爲何如者 朱子
本義謂卦變一自既濟來夫既濟剛柔之分甚矣又
何以分剛而文柔乎若李挺之卦變反對圖謂爲坤

卦而下生三陽夫三陰三陽之卦如豐賁既未濟等
安分乾坤况與彖辭不合彖曰柔來而文剛明指下
卦爲乾剛明指二之一柔分剛上而文柔明指上卦
爲坤柔明指上之一剛今曰坤卦而生三陽則彖辭
何以解

象曰山下有火賁君子以明庶政无敢折獄

賁文也黻黼文章曲折畢析以明庶政固其所也然
用之折獄則虞流于刻覈緣飾矣故後世言刻深者

曰深文鍛煉者曰文致法曰文網弄法曰舞文

訂訖
詰

此意也尤敢也

初九賁其趾舍車而徒象曰舍車而徒義弗乘也

二柔來文初三之剛初可受其賁矣而初九以剛居
下性安孤介以爲在下爲趾居民位當徒行惟自賁
其趾是步是趨雖應有坎車而弗乘焉此豈矜履綱
之華忘安輿之適哉義固然也

仲氏
易

六二賁其須象曰賁其須與上興也

侯果曰自三至六有頤象二在頤下須之象

在頤曰須在口

曰髭在頤曰髯

上无其應而三亦无應故上承于三與之相

比而賁其須焉雖俱无應可相與而興起也

上下卦之上也

九三賁如濡如永貞吉象曰永貞之吉終莫之陵也

九三爲二所賁而又處六四之下陰陽相錯賁如也

且坎水潤之其賁也文采鮮澤濡如也

詩云六
鑿如濡然濡

不可過旣未濟之濡首濡尾皆濡而過也受物之節

恐爲物溺

訂詁

惟永其貞則吉矣亦何得陵之哉

六四賁如皤如白馬翰如匪寇婚媾象曰六四當位疑也匪寇婚媾終无尤也

六四得上九之文亦賁如也賁爲黃白色而變巽獨

爲白色則又皤如而乃下之九三爲互震主震爲馬

弔足爲的頰白馬也則翰如

鄭康成曰翰白也馬白曰翰

夫四與

三同道陰陽爻位剛柔相當則翰如來迎皤如于歸

亦將有之然而疑也正應在初似不可失特是初九

高義弗乘而三之翰如非寇而興戎也

坎爲寇檀弓戎事乘翰

男先于女

陽爻爲男
陰爻爲女

同歸賁如實婚媾也則雖似有

尤而終何尤焉九三在四陰之下而同賁似有陵者而永貞則終莫之陵六四比于三陽之上而同賁似有尤者而婚媾則終无尤

六五賁于丘園束帛戔戔吝終吉象曰六五之吉有喜也

艮山之半爲丘果蓏爲園

艮爲果蓏

處士所居也而忽有

加以文米者坤爲帛

艮本坤卦

而變異之繩束之戔戔來

聘

虞仲翔曰巽爲帛以艮手斷巽故彋彋則彋彋者斷帛而束之之貌也說文訓彋爲賊意亦同張

衡東京賦所謂聘丘園之耿介旅束帛之彋彋是也

六五于此如伊尹之初聘囂囂三聘幡然則其初不

无吝惜不行之意

陰爲吝嗇然无此一吝有辱丘園矣向俱誤解

然而弓旌

到門究亦可喜吉矣

上九白賁无咎象曰白賁无咎上得志也

賁本黑黃白雜色

孔子言也見呂覽家語

至上九則賁極返淳

而純然一白矣

雜卦曰賁元色也

文本于質以化成天下所

謂分剛上而文柔者如此何咎之有大離有志象

柔來而文剛則剛不妄動而亨故初舍車三永貞剛
上文柔則柔能攸往而利故四婚媾五有喜 初以
文自治者也二會友以文者也三文有光澤四文得
配耦五文遠賁六文返質而賁成矣



坤下
艮上

剝不利有攸往

彖曰剝剝也柔變剛也不利有攸往小人長也順而止

之觀象也君子尚消息盈虛天行也

五陰進而剝陽欲使陽亦變陰陽尚安往惟觀玩卦
象法坤之順艮之止順而止之勿激怒小人而緩止
其勢可也豈惟人道抑亦天行有消有息有盈有虛
造化固然今陽之消而虛陰之息而盈獨非天行耶
然消者安必不息盈者安必不虛不亦有天行耶君
子亦尚此道以順之而已

象曰山附于地剝上以厚下安宅

剝象上削

山尖峻故有剝剝之象

而下厚

坤土廣厚

山之所以安也

蓋卦之凶者別取其吉以爲義觀此與明夷可見矣
人君无用陰剝陽之理則當自剝以厚下君子无用
闇傷明之事則當自晦以莅衆也 艮體一陽上覆
宅舍也卽上九之象廬也下有三坤土愈厚則宅愈
安矣

初六剝牀以足蔑貞凶象曰剝牀以足以滅下也

一陽橫互于上有似乎牀初六之陰尚在牀下而欲

剝之則剝以足矣夫陰邪陽正剝牀之下卽剝正也

剝正則凶

廣韻曰剝削也王弼云蔑猶削也荀九家易本蔑卽作滅

凶者陰陽俱

凶災也

六二剝牀以辨蔑貞凶象曰剝牀以辨未有與也

足上稱辨謂近膝之下屈則相近伸則相遠有分辨

也

康成說

而牀槿在第足之間亦謂之辨

崔憬說

六二進

于初則剝牀以辨矣夫二爲五應與也今五陽已剝

則二无陽之與矣不與陽而與剝陽者類是亦滅陽

者矣其凶也視之初可耳

與卽艮卦不相與也之與

六三剝之无咎象曰剝之无咎失上下也

仲氏易曰三則有與矣第其所與者則卽其所剝者夫祇此區區一陽下爲我應而尚忍剝之然而與者三所獨剝者衆所同也衆皆欲剝吾何獨不剝則亦曰剝之而已初不言其所剝者何物也牀也廬也且不言我之所以剝之者何所以也以足也以辨也以膚也一若爲衆所持而陰應之而陽棄之者夫如是

則何咎矣上下四陰皆以獨有與而失之此卽坤之以喪朋爲安貞也

六四剝牀以膚凶象曰剝牀以膚切近災也

牀之有薦席猶獸之有皮毛也

崔憬說

故謂之膚剝牀

以此則逼乎上矣不切近哉凶也

六五貫魚以宮人寵无不利象曰以宮人寵終无尤也

六五亦陰而不剝矣

六五得中

但見五陰排連駢頭而進

有似乎貫魚者然夫魚本陰類乃以艮手牽變巽之

繩而貫之將何以哉魚陰類宮人亦陰類而上下一貫一若后以夫人嬪婦御妻以次當夕如貫魚之有序者蓋以宮人寵矣夫以天行言羣陰卽欲盡剝陽剛而時有未可能不趲趲故止蔑爲寵以人事言一陽雖孤而高峙于上陰類中有智計者率倡其衆以承其寵未嘗不利此正陰之猶可止而陽當順而止之者也故曰終无尤

上九碩果不食君子得與小人剝廬象曰君子得與民

所載也小人剝廬終不可用也

此一陽也必致于剝而時尚未剝則于此有危微之

幾焉試觀艮之果蓏至剛而碩

碩大也實也

祇此碩果懸

之于衆陰之上而羣欲食之而不能食可謂幸矣然

而禍福得失之數皆蘊于此侵假君子居此則以坤

爲大輿而我乘其上而得之小人際此則以艮爲門

闕而我居其下而必欲剝之

仲氏易

夫得輿則厚下安

宅坤衆載之上下俱利若小人剝廬其術安可用耶

始以爲廬據已上惟恐不剝而不知陽廬一摧

變偶則剝

穿已將安庇茫茫宇宙容身无所陰詭之術尚安用

哉故于剝之初而卽斷其凶也



震下坤上

復亨出入无疾朋來无咎反復其道七日來復利有攸

往

彖曰復亨剛反動而以順行

漢魏以剛反至順行七字句

是以出入

无疾朋來无咎反復其道七日來復天行也利有攸往

剛長也復其見天地之心乎

復則亨矣以反易觀之乾陽窮剝于艮之上而反生

于震之下下爲震行上爲坤順是反動而以順行也

則陽自出而入

出卽往入卽來

復于无疾

王弼曰疾卽病也復生故无疾雖

坤朋尚來

同類爲朋坤西南得朋是也初自內視之故曰來

而順以行之則

无咎夫一陰一陽道也今陽反而復于道自剝盡爲

坤剝上一爻歷坤六爻共得七爻一爻當一日七日

而來復

按七日有以月言者謂自五月始一陰生至十一月冬至一陽生共七月爲七日然序卦

傳明曰剝窮上反下故受之以復則反動自剝爻論
得七非從姤卦論也至以分卦直日法解七日緯文
穿鑿更不足信天行消息盈虛之自然也然則與剝反觀剝

順而止此順而行矣剝小人長此剛長矣小人長故
不利攸往剛長故利有攸往矣夫復者反動卽反生
也生生之謂易六十四卦皆生也天地之大德曰生
天心祇一生也而可見者莫過于一陽之初生无往
不復有斷必續爲物不貳乾知大始復不具見天地
之心乎

七日來復天道也卽以一歲觀之季秋後剝
陽始盡木落地水中歷六候陽氣伏藏而後

冬至一陽生諸生蕩蕩動也卽復也
故芸始生荔挺出七候卽七日矣

朱子卦變圖復

剝臨觀等互相往來仲氏易謂其雜亂也宗朱升十
辟卦變圖以復剝等十辟卦爲聚卦祇可易爲他卦
不受他卦易謂十卦彖傳內並無剛柔往來諸辭可
証然復卦明曰七日來復剛反何嘗无剛柔往來辭
耶則聚卦與易分卦受易之說不必泥矣

象曰雷在地中復先王以至日閉關商旅不行后不省
方

雷在地中陽微而未發宜安靜以養之

程伊川說

至日震

一陽象

初九不遠復无祇悔元吉象曰不遠之復以修身也

七日而來復是不遠之復也祇但也悔者變之機今已變而復于陽矣豈但悔哉顏子有不善未嘗不知

是悔也知之未嘗復行是不遠復也未嘗復行則不

但知而悔矣以之修身大吉之道也

玩辭曰悔與復不同復則改之

不但悔也祇能悔而不能改不足與言復矣坎之祇既平底義同此

六二休復吉象曰休復之吉以下仁也

不遠之復卽克已復禮也卽以復天地生物之心也所謂仁也六二比于初而托庇之則下附于仁而休

乎復矣豈不吉哉

說文人依本旁曰休

六三頻復厲无咎象曰頻復之厲義无咎也

仲氏易曰頻者連也三與初復相連同爲一體陽既漸進則他日自連類而進而此時未能也時既未能則三位多凶而震終成恐于此不能无惕厲之事然

帝出乎震卦值冬春之交陽氣見地正行陽令者震動恪恭之際也其屬義也何咎焉

舊解頻復爲忽得忽失則此爻忽復

忽剝矣有此象乎

六四中行獨復象曰中行獨復以從道也

四與初相應初之不遠復仁也卽道也仲氏易曰復之四剝之三也復之四應初剝之三應上也故五陰

上下各二而四居其中謂之中行

胡雲峰說同

猶剝之五

陰上下各二而三居其中謂之失上下也獨此時四

固非復而嗣此而復則又將不止于四而曰獨復者
吾敢言復哉吾獨有一復道者象曰反復其道與我爲應而
我與之爲從也

六五敦復无悔象曰敦復无悔中以自考也

敦者遲鈍也五與初相隔四爻嗣復至此亦敦矣然
而无悔者五居中位徐徐省察以求其合也向秀曰
考察也

自考即視履考祥之考考其善不善也舊註敦復作
至誠无偽解則元吉矣豈但无悔哉且每爻皆謂陽
爻已復則二即臨三即泰四
即大壯五即夬未有此象也

上六迷復凶有災眚用行師終有大敗以其國君凶至
于十年不克征象曰迷復之凶反君道也

上處坤極爲迷與初之一陽渺不相涉是迷于復之
道矣乾爲君坤迷則盡反乎君道矣上卦坎位純爻
則見今以純坤加坎位之上而坎之災眚无不畢發
坎之寇盜弓輪无不畢出是以行師之衆而值坤先
之迷不大敗乎

仲氏易

見坤國而不見乾君非以其國

君凶乎雖至十年猶坤陰之數也焉克征哉



震下
乾上

无妄元亨利貞其匪正有眚不利有攸往

彖曰无妄剛自外來而為主于內動而健剛中而應大亨以正天之命也其匪正有眚不利有攸往无妄之往何之矣天命不佑行矣哉

卦與大畜反易大畜上卦之艮剛自外來居下卦爲震之主于內則居者剛健下震動而上乾健則行者剛健九五剛中二以柔中應之則剛健有與大通而

以正天之命人者固如此也若其不正如卦之上九者則證父攘羊者也乃恃其无妄而擱然直往往將何之上卦坎位爲多眚必有之矣天命不助雖欲行行乎哉魯論曰君子貞而不諒蓋鑒此也

象曰天下雷行物與

胡旦王畿焦竑何楷皆以此句

无妄先王以茂時

育萬物

與從也應也天下雷聲震行物莫不震起而應之一无詐妄者也茂盛也對時者如春犧牲勿用牝夏勿

伐大木之類茂對時者對時之政畢舉也所以育萬物也是法天之雷行物與也

初九无妄往吉象曰无妄之往得志也

初九卽彖傳之所謂剛自外來而爲主于內者剛爻居剛位以正者也于此震動而往得其志矣此无妄之最吉者

六二不耕穫不菑畲則利有攸往象曰不耕穫未富也

有益爲耒耜

虞氏說以下卦震三五互卦巽爲益

震爲稼田一歲治爲

苗三歲治爲畚但互艮爲止將有過恃其中正以爲

无妄者曰吾命弗餒自有秋獲何事作爲不知人事

旣亡天佑安至不耕不獲坐致虛耗

陰爻陰位故未富

豈无

妄而大亨者哉則必急爲震之攸往而後利耳

坊記

不耕獲不苗畬
凶可爲此証

六三无妄之災或繫之牛行人之得邑人之災象曰行
人得牛邑人災也

震本坤卦爲牛爲國邑中二爻人位或以艮手牽巽

繩而繫之牛此于邑人未嘗有害也而无如行人之

得之也

震爲動爲大
塗行人象

而或者尋覓无所曰吾向固繫

之邑也繫之邑則求之邑于是捕詰之煩紛然而至
矣夫邑人安居自謂與人无患與世无争何嘗有妄
而橫被災禍天下之李代桃僵者豈少哉六三處人
位而微下故致如此

九四可貞无咎象曰可貞无咎固有之也

九四以陽居陰位亦非正然有乾剛之德則可貞而

无咎矣何者四與初敵應初之剛自外來四之剛其固有也

九五无妄之疾勿藥有喜象曰无妄之藥不可試也

九五居坎位坎爲疾偶爾違和亦時有但天下惟

虛則邪輳之重煩藥餌

虞氏曰巽木艮石爲藥

若九五陽剛得

位卽有疾乃无妄之疾也陽剛則中實疾不能入得位則善攝疾將自瘳勿藥而有喜矣若輕以藥試之則无病服藥藥卽爲疾乃以妄治不妄也豈可哉

上九无妄行有眚无攸利象曰无妄之行窮之災也

上九所處不正陽亢而窮乃下應震足謂我本无妄
何不可行則象之所謂有眚不利攸往卽此已故雜
卦曰无妄災也後儒以无妄爲極品而聖人乃曰匪
正有眚无妄何之六爻惟初九吉九四无咎六二則
无妄而不富六三则无妄而致災九五則无妄而有
疾上九則无妄而有眚是无妄固有道矣宋明儒者
如司馬君實變新法而過朱晦庵門人欲殺陳同甫

明之東林黨人偏而激亢以致禍及家國孔子所謂
无妄災也不亦驗哉



乾下
艮上

大畜利貞不家食吉利涉大川

彖曰大畜剛健篤實輝光日新其德剛上而尚賢能止
健大正也不家食吉養賢也利涉大川應乎天也

大畜者大爲小所畜也天下之大者莫大于乾乃以
三乾藏艮山之內乾欲行而艮止之則艮雖有陽而

亦總畜之艮止之間一若以兩陰而畜四陽者則大

畜矣

仲氏易

大畜而不利於大正乎乃以卦觀之乾有

剛健之德焉艮有篤實之德焉

虞氏易

以山之材而照

之以天光

左傳

乾艮有輝光之德焉又內卦離位爻純

則見而三至上爲大離則其德復日新而不已焉況

卦乾剛一畫高居上九陽剛君子爲賢是尚乎賢也

故卦艮止能止健不使剛銳而躁剛過而折是大正

也將見畜止者且通爲畜養互兌爲口艮爲宮闕

李鼎

說祥

養賢廟廊不徒家食吉矣雖兌爲大川而四五中
空有舟象九三攸往而荷天衢是應乎天矣涉之有
何弗利

象曰天在山中大畜君子以多識前言往行以畜其德
天爲積氣而山磅礴蔽虧四畔環合若將蘊天其中
而有之者大畜象也

訂詁

初九有厲利已象曰有厲利已不犯災也

初九與六四應初陽欲進而四止之是厲也往必有

災

大離伏大
坎爲災

則不如已之爲利矣

九二興說輓象曰興說輓中无尤也

變坎爲輪有興象互兌毀折則脫其輓矣

說脫通

是爲

六五所畜止而安于中也中又何尤按輓者車之鉤

心夾軸之物

盧氏說

不行故脫之與小畜脫輻不同脫

輻則車毀脫輓但且不行而已

九三良馬逐利艱貞曰閑輿衛利有攸往象曰利有攸

往上合志也

九三爲下卦之終畜之至而值震行將以乾之良馬而追逐乎而尚勿驟也必利艱其心意貞其作爲曰此馬所駕之輿所防之衛其閑之哉閑之哉夫如是三輿上皆陽皆賢中外合志利有攸往矣按震爲警衛虞氏說考工記車有六等之數戈也人也爰也戰也矛也軫也皆衛名趙汝棣曰他卦陰陽應爲得此則爲畜他卦陰陽敵爲不胥與此則爲合

六四童牛之牯元吉象曰六四元吉有喜也

六四畜初者也初爲童

易下卦離位爲牛是童牛也

童牛之角何觸而六四卽以艮之堅木爲楅而橫施

其首焉是止之于豫者也大吉之道也可喜甚矣

侯果

曰楅 福也
允有喜象

六五續豕之牙吉象曰六五之吉有慶也

說文續豕劇豕去勢之豕也六五與九二應變坎爲

豕以陽居陰變則奪其陽爲續豕豕躁多突續豕性

亦和矣不牙何傷而六五必加以牙焉

陸農師埤雅云牙棧也海

岱之間以棧繫豕曰牙賦曰置牙擺牲是也艮堅小牙象所謂无故而不敢忽者有慶之道也

上九何天之衢亨象曰何天之衢道大行也

畜極而大通矣象之所謂不家食而利涉川象傳所謂尚賢九三所謂閑輿衛而上合志皆其時也

仲氏易

夫艮爲路上爲天位是天衢也天衢者天道也上九之賢毅然以身荷之登天闕而開艮路豈非吾道大行之會哉 大畜義與小畜相反小人之象似易制

而實陰藏其奸故卦多危辭君子之剛似難馴而實
樂循于道故卦多喜辭所以爲持世御物訓也爻與
无妄相反无妄恃健而進易至于災故卦戒其攸往
大畜剛而能止則得其時雜卦曰大畜時也故爻慶其大行
所以爲檢身養心訓也



震下
艮上

頤貞吉觀頤自求口實

鄭康成曰頤口車之名

正字通曰一曰輔車一曰牙車一曰頤車兩頤曰輔仲氏

易曰初九象下車上九象上車緝聞曰中四陰齒象震動于下艮止于上口車

動而止嚼物以養人故謂之頤頤養也項安世曰頤上止下動故象頤小過上動下止故象杵曰

象曰頤貞吉養正則吉也觀頤觀其所養也自求口實觀其自養也天地養萬物聖人養賢以及萬民頤之時大矣哉

頤養必以正乃吉故頤象噬嗑而中虛无物

物即口中之實

任其自取惟觀其所養之得失觀其自求口實之得

失而正不正可見矣且以所養推之天地所養者萬物也聖人所養者由賢以及萬民也清寧化育神聖經綸頤之時豈不大哉口食不但膏粱卽功名富貴也翟玄曰天上地初也萬物象陰也虞翻曰艮爲賢坤陰爲民

象曰山下有雷頤君子以慎言語節飲食

山止于上而下有雷動頤口之象也言語口出飲食口入故君子以慎與節養之

初九舍爾靈龜觀我朵頤凶象曰觀我朵頤亦不足貴也

卦象大離爲龜而初又早具離明之照是靈龜也

仲氏

易靈龜宜自珍矣乃震動求食舍爾靈龜

爾指初

而觀

上九之頤從上垂下朵然者

說文朵樹木垂朵朵也

則輕內

重外將淪卑賤雖初陽本貴亦何足貴哉此處士貪

卑如有明陳繼儒之流是也玩辭曰上九爲卦之主

故稱我

六二顛頤拂經于丘頤征凶象曰六二征凶行失類也

乾爲首初九乾爻在六二下

漢上說

而六二仰首舉頤

而向上有似乎倒其頤者然

顛倒也

且仰首而經瘡

仲氏

易曰近頤之口下通于吭所謂經也莊子緣督爲經熊經鳥伸是也漢書以經死爲絕吭正以經卽吭也

又若有抑騷之者然

朱升曰摩拂卽抑騷也

于以望食于上九

之丘頤

上處高又艮爲丘故曰丘頤

則初之于上觀之而此幾以

身赴之矣上旣非其比又非其應失其類矣不亦凶

乎此居下位而援上者以居震中故徑往而行

六三拂頤征凶十年勿用无攸利象曰十年勿用道大悖也

六二猶但拂經也六三則震動之極且若拂其頤矣所謂道逢麴車口流涎者也則于養正之道愈大悖矣雖與上爲正應而卑惡躁醜必爲上所棄卽至坤數之盡爲十年猶勿用焉凶其甚矣又何利哉

六四顛頤吉虎視眈眈其欲逐逐无咎象曰顛頤之吉上施光也

六四與初相應初乾爻爲首亦仰首舉頤而向上地

四爻上卦地位

承乎天求立功也非苟食也吉矣艮象爲虎

眈眈然視近而志遠

說文眈眈視近志遠也

其兼弱攻昧之欲

逐而又逐

即逐鹿之逐

固无過者功成受祿上九自發大

離之光而恩施榮耀矣上而太公下而耿弇似之

六五拂經居貞吉不可涉大川象曰居貞之吉順以從上也

六五居中而柔不當位亦有求口實而拂經之象焉

而仰承上九不敢縱逸以順爲正固可迪吉惟是才弱德小若欲爲坎川之涉則不可耳此裴寂之流也上九由頤厲吉利涉大川象曰由頤厲吉大有慶也

由頤同由豫諸爻由之而養也上九爲一卦主是下之觀頤顛頤拂頤者皆由我而養之也兼收並蓄能无危惕然乾健知險卽大川浩淼无不利涉大有慶矣其漢唐之帝王乎卦中空有舟象口容不宜動宜止故震三爻皆凶艮三爻皆吉



巽下
兌上

大過棟橈利有攸往亨

彖曰大過大者過也棟橈本末弱也剛過而中巽而說行利有攸往乃亨大過之時大矣哉

卦義與小過對者也四陰環聚則小過四陰中強則大過大者之過觀其象矣兩巽相背爲木合爲大坎

爲宮爲棟

棟來註謂梁上屋脊之木所以承椽瓦者也說文謂之極爾雅謂之桴其義皆訓中

也而兩兌亦相背

周易皆反易獨乾坤坎離頤大過中孚小過八卦不然而頤大過中

乎小過又內外
兩卦自相反易

初上皆柔木中雖剛而本末弱矣兌

爲毀折坎爲陷爲矯輳棟不且橈乎蓋四剛大過則

兩柔不堪坐致橈敗勢所必然所可挽回者剛過而

尚居于中

二五爲中三
四亦稱中爻

又巽入而兌悅以行以此往

而過而不過乃可亨耳然則大過之時所關何如而

濟之者當何如不大矣哉司馬光曰大過可濟之以

柔不可助之以剛故剛之四爻皆以居陰爲吉不以

得位爲美

按卦元亨利貞利有攸往等辭有見在之
辭有期望之辭有相需之辭如此利有攸

往乃亨則亨
視攸往也

象曰澤滅木大過君子以獨立不懼遯世无悶

澤以滋木今澤在上而反滅木大過之象也天下滔
滔而誰以易之如伊尹之躬耕固獨立不懼遯世无
悶也卽仲尼之周流亦獨立不懼遯世无悶也卓立
風波以濟大過者也玩辭曰獨立不懼木之植遯世
无悶澤之悅

初六藉用白茅无咎象曰藉用白茅柔在下也

初柔在下弱而卑矣然大過之時正當以卑異出之

苟其柔如茅其潔如白茅

巽爲白茅

爲藉以承剛

藉薦可也

以无咎

士虞禮苴荆茅長五寸束之鄭註云苴所以藉祭也

九二枯楊生稊老夫得其女妻无不利象曰老夫女妻過以相與也

九二大過之始矣而幸居巽中則三四爲棟而二尚

楊也

見仲氏易益全卦有棟象而棟者中也故又獨取中二爻巽爲楊澤木也故二居巽中五居澤

中皆

楊將爲棟則楊已枯矣而尚爲楊則稊猶可生

矣

稊康成本作莧云木更生爲莧蓋楊枯則稚生諺所謂一楊死百楊生也

且乾爲人爲

父老夫也而下乘初六巽爲長女夫老夫而得女不

亦過乎然惟過以相與則女也而爲吾妻矣身雖老

而妻幼不猶有生育之功乎

漢上說

无不利矣

九三棟桡凶象曰棟桡之凶不可以有輔也

九三以剛居剛方以爲盛威勢而誰何然而千鈞中

壓初弱難支卽欲輔之而其悞悍不可輔也象曰棟

桡正此爻矣

九四棟隆吉有他吝象曰棟隆之吉不撓乎下也

九四以陽居陰大過而不恃其過則棟隆然高起不致重壓而撓矣何者九三居下卦之上

不可以有輔而棟撓九四居上卦之下上弱下強故不撓于下而棟隆也註來然居大坎之中疵厲將乘亦

有他吝

大傳吝小疵也

但无大傷耳

象觀六爻全卦故以本末弱而見中之棟撓象

分觀上下兩卦故各分上下有棟有隆

九五枯楊生華老婦得其士夫无咎无譽象曰枯楊生

華何可久也老婦士夫亦可醜也

九五者棟之餘也亦枯楊矣枯楊而有生意于下爲
生梯則枯楊而有生意于上爲生華然梯再生可活
而華一發必敗何可久哉且陽剛居尊儼一士夫而
上以兌之少女據諸陽之上居垂暮之地竟成老婦
今六下乘五是士夫爲老婦所得矣夫禮重從一而
法不禁再嫁夫婦居室亦何咎然又何譽白頭吟成
實可醜耳以將敗之榮顏被庸碌之薦紳渺无重輕

但有醜狀其象如此

上六過涉滅頂凶无咎象曰過涉之凶不可咎也

上六則末之弱者也弱居于始尚可遜承弱居于末
何克力救兌爲澤大坎爲水顛波湧至卽有志拯濟
而過涉不能已滅其頂嗟乎凶矣然豈其咎哉可憫
也卦上下反對故初之與上二之與五三之與四其
辭皆相對而反也 初六明馬后之事高皇也九二
天順之任李賢王翺也九三祖龍之亾也九四成康

之盛也九五孔光胡廣之流也上六龍逢比干之死也



坎下
坎上

習坎有孚維心亨行有尚

彖曰習坎重險也水流而不盈行險而不失其信維心亨乃以剛中也行有尚往有功也天險不可升也地險山川丘陵也王公設險以守其國險之時用大矣哉

坎水也重坎

習重也

則上下皆水而險見焉兩岸土夾

兩陰畫
為坤土

而二五中剛通行其間

坎為通

流而不息未嘗

盈聚山夾谷瀉為陷為險而浩然行之就下流濕未

嘗失信是有孚也是維心亨也

坎中爻象心
維語助辭

是往而

出險有功也坎之尚行有固然者而至廣徵其險天

險則不可升地險則山川丘陵王公法之則重重設

險以守其國險之時三才皆用之亦大矣哉五上天

位有不可升象初二地位互艮為山有丘陵象艮為

止又守象

象曰水洊至習坎君子以常德行習教事

洊爾雅曰再也劉氏曰仍也周禮六德智仁聖義忠和也六行孝友睦婣任卹也所教之事禮樂射御書數之六藝也君子法坎水之頻至故常之習之

初六習坎入于坎窞凶象曰習坎入坎失道凶也

初在重坎之下是習坎也乃入于坎之窞焉是失尚行之道矣故凶窞坎中小穴旁入者也蓋坎象水陷土中而分文觀之中剛健直尚可出險兩岸陰上穴

穿反見險陷故初與三皆有坎窞象

九二坎有險求小得象曰求小得未出中也

九二正在險內似无得者然求之則有小得矣是何者以其未出中道也二中位陽實有得象

六三來之坎坎險且枕入于坎窞勿用象曰來之坎坎終无功也

居下坎之終而上卦之坎又來之是來之坎坎也誠險矣姑且安枕待之

來註震木互于內而艮止不動枕象雖則无功不

至于凶

坎宮在上故視初六之凶辭有差也

若亦入于坎窞焉何用乎

六四樽酒簋贰用缶納約自牖終无咎象曰樽酒簋贰

剛柔際也

六四則脫下坎而但有上坎矣當險陷之時陰處陰

位以簡約爲敬故樽酒而副以簋擊缶焉于以納

之牖下

牖在室戶之西而近于奧詩云于以奠之宗室牖下是也自牖由牖也卽牖處陳設也舊

說不由戶而由牖入大可異

以仰接乎五五剛正欲出險而得四

之來附其禮雖薄具情孔諧終又何咎互艮堅水可

爲樽坎爲酒震竹可爲簋簋盛黍稷器貳副也嘆氏
易曰震爲仰缶風俗通曰缶瓦器可以節樂

九五坎不盈祇旣平无咎象曰坎不盈中未大也

九五剛中出險之材也而上六一陰斷岸巋然則坎
水未至于盈也但旣平耳夫不盈則中尚未大何以
能行然旣平則盈將不遠可以得出故曰无咎按彖
之不盈以流則不盈也爻之不盈謂坎尚未盈也
蓋兌止水也坎流水也故美其不盈而有坎科又必


玩辭

盈而後行故欲其盈

上六繫用徽纆寘于叢棘三歲不得凶象曰上六失道凶三歲也

若夫上則爻盡可以出險矣无奈上六陰柔居于陽外又爻變之渙與下不接則失有孚尚行之道矣雖曰彼岸可登顧不有叢棘在乎坎爲叢棘以變巽之繩爲徽爲纆繫而寘之其中卽歷上卦之三爻爲三歲而未必得脫豈不凶哉劉表曰三股爲徽兩股爲

經皆索名 朱楓林有六子卦變圖夫六十四卦除
八純卦及否泰二卦外餘皆六子與父母因重及六
子自相因重所成也卦象顯然渠乃以小過之艮下
震上者謂自坎變二與四易三與五易解之坎下震
上者謂自艮變三與四易上與二易則長男反從中
男變長男中男反從少男變女亦然所謂无理祇取
開也



離上

離利貞亨畜牝牛吉

彖曰離麗也日月麗乎天百穀草木麗乎土重明以麗
乎正乃化成天下柔麗乎中正故亨是以畜牝牛吉也
離麗也麗者附也以一柔附兩剛而命名爲離亦以
離體爲火火隱无形必附物而始有形麗之義也以
天道言日月則麗乎天以地道言百穀草木則麗乎
土以人道言必上離接下離而重明以麗于正乃可
以化成天下今卦五柔麗于中

離以柔
爻爲主

二柔麗于中

正皆利貞也故亨矣是以離者得坤之中畫者也坤

爲牛離之六二以陰位陰不爲牝牛乎

仲氏易

離火炎

上而躁

乾文言曰火就燥

畜牝牛則至順而不燥矣吉矣

象曰明兩作離大人以繼明照于四方

明而重兩明相繼也

程

繼明者舜之繼堯武之繼文

一代之繼明也日新又新緝熙光明一人之繼明也

初九履錯然敬之无咎象曰履錯之敬以辟咎也

初爲趾在地爲履初九處萬物相見之初

說卦離者明也萬物

皆相見也 所履錯雜而至

王昭素說詩傳曰東西爲交邪行爲錯變艮爲徑路交錯之象

惟以剛爻之乾惕小心翼翼无事不敬雖有咎亦辟

而免矣

離麗也故初九即著于事物

六二黃離元吉象曰黃離元吉得中道也

坤之六五爲黃裳黃者土之中色也今離六二得坤

中畫而麗于中正非黃離乎而豈不大吉乎

觀此則象辭象

麗乎中正明指自坤來他卦可類推矣

九三日昃之離不鼓缶而歌則大耋之嗟凶象曰日昃

之離何可久也

初爲日出二爲日中三爲日昃

荀爽說

日昃則光陰无

幾以年則歲之已晚也以心則智之將耄也宜修身

安養以善其終乃或以爲日之不久不如行樂鼓缶

而歌不則憂其不久大耋之嗟哀樂失常徒以自傷

梁氏不其凶乎二者冀久之念誤之也不知四時之序

成功者去何可久也數固然矣

九四突如其來如焚如死如棄如象曰突如其來如无

所容也

仲氏易曰九四不中不正以火繼火厝火在下而通

火于上有如突然突者竈囱也

廣韻竈突通作突近世字彙謂從火音森

大謬上下皆火又若火之延來者然且四以陽體而居

互異之上異風揚燎異木如焚然夫火附于物而今

以附物而反焚物及物焚而火亦无所容矣膏以明

自煎火以焚自滅如死然如棄然荀慈明曰陰麗于

陽相附麗也然而有別離之意焉離火托木而生是

附麗也烟焰飛升而灰降滯是別離也

六五出涕沱若戚嗟若吉象曰六五之吉離王公也


六居于五雖不當位而得中是火之將燭而尚可延者大坎之水出于離目其涕沱若坎爲加憂且戚嗟若斯豈婦女之泣與羈人之嘆哉誠以身麗王公之位處尊負艱昭烈論後漢輒太息痛恨袁安議朝政則嗚噫流涕持危挽傾實有賴焉不其吉乎三嗟則凶五涕乃吉易之隨時如此

上九王用出征有嘉折首獲匪其醜无咎象曰王用出征以正邦也

水潤下其下必陷而上可出故坎下卦初二爻一凶一无用而二僅可小得至上卦四五則无咎矣然不可謂險在下而自安也故上六又有徽纆之戒火炎上其上必焚而下可安故離下卦初二爻一无咎一元吉而三尚可安以俟命至上卦四則焚矣五雖得中而嗟涕矣然不可以離嗟而不震也故上九

又有出征之威征者上伐下也以正正不正也六五
王也坤爻邦也用用上九之剛明也嘉善也乾爲首
兌爲毀折九四乾爻之首死如棄如是折首也坤爲
衆醜也卦二五坤爻皆吉而別无陰衆可獲者是獲
匪其醜也殲厥渠魁脅從罔治正有嘉也王用之以
正邦矣又何咎 參同契專以坎離爲修煉詳玩三
聖繫辭止是麗陷二義與匡廓軸轂等說渺不相涉
蓋易爲君子謀不爲小人謀爲大道謀不爲異端謀

也然君子進則小人獲庇吾道興則異端返正卽所以爲小人異端謀也不然盡行小人之計則災害至而小人亦无以自容矣盡入異端之教則人類滅而異端亦无以自存矣



周易傳註卷二